


ARRAUNA



Pedro Mari Abando. RAMON BASALDUA

Bermeoko arraunlariek Arkote eta Elantxobera egin dute alde

BILBO

Bermeoko Arraun Elkarteko arraunlari senior eta jubenilak ez dute talde horretan segiko, Plentziko Arkotera eta Elantxobera alde egitea erabaki bait dute, Bermeoko taldeko zuzendaritza batzordearekin sekulako gatazka izan ondoren. Arraunlariek prentsa agiria atera dute euren jarrera azalduz. «Julen Erauzkin entrenatzailearekin ez geunden oso adoz eta beste alde batetik, nahiz eta entrenamenduetan lan handia egin, ez genuen emaitzarik lortzen. Hori dela eta, gure ustez entrenatzaile aldaketa beharrezkoa da, trainerua indartuz, garaipen garrantzitsuagoak lortu asmoz, hori bait da Bermeoko Arraun Elkarteko bazkide eta zale-tuek nahi dutena. Gure sorpresa handia izan zen, Jose Maria Goitia Blancok zuzentzen duen direktibak, entrenatzaile eta arraunlarien gaitetik egon beharrean, Julen Erauzkin entrenatzailearen alde jarri zenean, gure eskakizunei kasurik egin gabe».

ZUZENDARITZAK JARRERA GOGORRA

Arraunlariek ez zuten espero zuzendaritzak

horrelako jarrera gogorrari eustea. «Jose Maria Goitiak komunikabideei egindako adierazpenetan esan zuenez, berak zuzentzen duen direktibak segitzen duen bitartean, arraunlari senior guztiak, taldetik at geunden. Oso tristea izan zen guretzat. Dena den, direktiba berri bat bilatzeari ekin genion, baina arrazoi bategatik edo beste bategatik, ez genuen inor aurkitu. Beste alde batetik, nahiz eta herriko alkateak arraunlari guztiak berronartzeko eskatu, Jose Maria Goitiak eta berak zuzentzen duen direktibak ez gintuzten onartu, Goitiak berak azaroaren bian esan zigunez», adierazi du arraunlarien agiriak.

Azkenean, Bermeoko hainbat arraunlari Plentzia eta Elantxobera taldeetara joan dira. Seniorrak Pedro Mari Abando izango dute entrenatzaile lanetan eta gustora arituko direla adierazi dute aurtengo traineru denboraldian Abando bera izan bait da Arkote-Bermeo taldeko entrenatzailea.

PILOTA

Galarza-Eugi finalerdia airean Labrit hartua duelako Udaletxeak

Atzo gauean biltzekoak ziren pilota enpresariak eta Iruñeko alkatea

Galarza eta Eugiren arteko finalerdia, lau t'erdiko torneoan, airean dago. Bihar Labriten jokatu beharreko Baraibarko eta Agoitzeko bi pilotarien arteko partidua, ETBk zuzenean eskainita, baina Iruñeko Udaletxeak 'hartua' zuen frontoia egun horretarako, gaueko 8etan hain zuzen, bertako langileen arteko afaria egiteko.

IRUÑEA

Labrit udal pilotalekua da, eta frontoia jaialdiak egiteaz gain Iruñeko Udaletxeak beste hainbat ekintza antolatzeke eskubidea du bertan. Galarza eta Eugiren arteko finalerdia airean jarri du horrek, bihar gaueko 8etarako Udaletxeak frontoia 'hartua' bait du, bertako langileei afaria eskaintzeko. Pilota enpresariak herenegun bertan saiatu ziren Alkatearekin harremanetan jartzen, baina Stuttgartera joana zen Osasunaren partidua ikustera. Atzo arratseko 6.30etan itzultzekoa zen Noaineko aireportura, eta harekin mintzatu arte airean dago lau t'erdiko finalerdia.

Jose Mari Fraile Eskulariko lehendakaria Iruñeko alkatearekin konponbidea bilatzeko zen, eta arrazoizkoa dirudi Udaletxeak langileen afaria lekuz aldatzea, frontoia aurretik eskatuta bazuten ere. Galarza eta Eugiren arteko finalerdia ETBk eskainiko bait du, eta data edo lekua aldatzeak arazo handiak sor ditzake. Honez gero akordioa lortuko zuten hiru aldeek —Udaletxea, enpresariak eta ETBk—, guk horren berririk jaso ezin izan badugu ere. Herenegun bertan jakin zuten bi pilotariak arazoaren berri, baina kontuak ahaztu eta Labriten entrenatzeari ekin diote, irtenbidea izango delakoan.



Galarzak sakea eta piloteoa sakon landu ditu Labriten.

CARLOS VILLAGRAN

Karteldegia

Gaurko partidua

GALARRETA. 16.00. Kalonge - Zestau II / Egialde - Imaz. Intxauburu - Mujika / Altuna - Agerre. M. Lekunberri - Ezkurdia II / Arregi - Etxeberria. Ollo - Txikuri / Ezkurra - Ulzurrun.

EUSKAL. 16.00. Larrañaga - Urretabizkaia II / Zeberio - Ekiza. Matxin II - Aizpuru / Aseginolaza I - Mujika II. Güenbe - Barrene-txea / Aseginolaza II - Auzmendi. Urrutia-Iturralde/Lezea-Lizaso I.

DEPORTIVO. 16.30. Ugarte - Astola / Lekue - Arteagoitia. Iturzaeta - Otero / Ipiña - Golda-

razena. Isusi II - Langarika / Iriondo - Torre.

Biharko partidua

LABRIT. 22.00. Lau t'erdiko torneo finalerdia: Galarza III / Eugi.

ASTIGARRAGA. 19.30. Elizondo baserria konpontzeko. Unanue - Unsain / Arteaga - Salbidea. Aldazabal I - Pierola / Lazkano - Soroa.

Larunbateko partidua

MUTRIKU. 16.30. Goñi - Urretabizkaia / Manzisidor - Zubizarreta. Gorostidi - Larrazabal / Alberdi - Luke.

ATLETISMOA

Behobia-Donostia igande honetan partehartzaile marka apurtzera

DONOSTIA

Behobia-Donostia karrerako antolatzaileek aurtengo probak partaidetza aldetik marka berria ezarriko duela espero dute. Orain arteko marka duela bi urte ezarri zen (4.303).

Probaren antolatzailea Fortuna taldea da, eta bere lehendakariordea den Martin Tunkek aurtengoak marka ezarriko duela dio eta aurtengo ekitaldirik garrantzitsuenak izan daitezke gipuzkoar kirolaren barnean, eta erakunde batzuek eskeintzen dioten laguntzari buruz kritika bat egiten du. Kritika hau puntu batean nabaritzen da gehienbat, erakunde hauek emandako dirulaguntzan hain zuzen

ere. Gasteizko gobernuaz aparte ez dago erakunderik interes handia eskeini dionik proba garrantzitsu honi.

Fortuna taldeak 350 pertsona eskeintzen ditu proba honetarako eta aurrekontua hiru milioitakoa da, baina ziurrenik aurtengo gora egingo du kantitate honek. Direktiboak beldurra du probaren haseran eta amaieran egon litezkeen arazoekin azken bi urtetan egon diren bezala.

Karrera hamar t'erdietan hasiko da ezinduentzat eta hamaiketan korrikalarientzat. Lehendakariordeak ez du faboritoei buruz hitzegi nahi, eta garaile posible bat eskatzerakoan lehenak eta azkenak balio bera dutela dio.



Korrikalariak Donostian.

GILLENIA

LABURREAN

EUROPAR LIGAKO beste ihardunaldi bat jokatu da gaur

Gaur jokatu da Europar Saskibaloia Ligako bigarren ihardunaldia. Bertan Philips Milano eta Montigala Joventutek jokatu dutena izango da partidurik interesgarriena. Estudiantesek neurraketa zaila izango du Aris Salonika talde greziarraren kontra. Barcelonak bere aldetik, txapelketa honetako lehen partidua jokatu du Palau Sant Jordin, Cibona Zagreben aurka. Hiru partidua hauek dira erakargarrienak.

BENFICAK Paul

Gascoigne fitxatzeko interesa agertu du

Portugaleko Benfica futbol taldeak Paul Gascoigne jokalaria britaniarra fitxatu nahi du, 'Today' egunkariak atzoko edizioan azaldu zuenez. Nahiz eta jokalaria eskuineko belaunean lesio larria eduki, portugaldarrek hamar milioi dolarreko (1.000 milioi pezetatik gora) eskaintza egin dio Tottenham Hotspurs taldeari. Benficako lehendakariordearen esanetan, Gascoigne oraindik ondo ez egoteak ez du inolako garrantzirik. «Ez du garrantzirik Gascoigne oraindik lesionatuta egotea. Guk hurrengo denboraldirako nahi dugu».

TXURI URDINEK

Angelun jokatu du gaur

Hamann Txuri Urdinek Angleten aurka jokatu du gaur arratsaldeko zortzi t'erdietatik aurrera. Partidua lagunartekoa izango da eta donostiarren prestakuntza aurrera eramateko baliagarria izango da. Aurreko asteburuan ez zen ligako ihardunaldirik izan, talde guztiak atsedean hartu bait zuten. Asteburu honetan berriz, donostiarrek bakarrik hartuko dute atsedea.

HIRU errepublika baltiarrek onartu ditu ITFk

Nazioarteko Tenis Federazioak (ITF) Baltikoko hiru errepublikak behin-behineko onartzea erabaki zuen atzo. ITFk hartutako erabaki horren ondorioz, Estonia, Letonia eta Lituaniak Barcelona'92 Joko Olinpikoetan parte hartzeko aukera izango dute. Brian Tobin, ITFko lehendakaria adierazi zuenez, oso pozik daude hiru errepublikak elkarrekin horretan sartzeaz.